



Broj: 01-02-19821-2/25

Sarajevo, 17.07.2025. godine

Na osnovu člana 70. Zakona o organizaciji uprave u Federaciji Bosne i Hercegovine ("Službene novine Federacija BiH", broj 35/05), člana 55. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22 i 55/22) i člana 9. Uputstva za izradu i provođenje Plana integriteta institucija javnog sektora u Kantonu Sarajevo („Službene novine Kantona Sarajevo“, broj: 33/24), šefica Kabineta predsjedavajućeg i zamjenika predsjedavajućeg Skupštine Kantona Sarajevo, **d o n o s i**

## **O D L U K U**

### **o usvajanju Plana integriteta Kabineta predsjedavajućeg i zamjenika predsjedavajućeg Skupštine Kantona Sarajevo**

#### **Član 1.**

Usvaja se Plan integriteta Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet), broj: 01-02-19821-1/25 od 17.07.2025. godine (u daljem tekstu: Plan integriteta), koji je izradila i dostavila Radna grupa zadužena za izradu prijedloga Plana integriteta, imenovana Odlukom broj: 01-02-19821/25 od 06.05.2025. godine.

#### **Član 2.**

Stupanjem na snagu ove odluke razrješavaju se dužnosti članovi Radne grupe za izradu Plana integriteta Kabineta.

#### **Član 3.**

(1) Za nadzor nad provođenjem mjera i preporuka iz Plana integriteta, te izvještavanje o provođenju Plana integriteta, zadužena je šefica Kabineta.

(2) Šefica Kabineta obavezna je informisati zaposlenike Kabineta o usvajanju Plana integriteta.

(3) Menadžer integriteta, zajedno sa izvršiocima pojedinačnih mjera, dužan je pratiti realizaciju preventivnih mjera za upravljanje rizicima i blagovremeno izvještavati šeficu Kabineta o rezultatima i eventualnim teškoćama u provođenju.

(4) Kabinet je dužan Plan integriteta učiniti dostupnim javnosti, objavljivanjem na internet stranici Kabineta predsjedavajućeg i zamjenika predsjedavajućeg Skupštine Kantona Sarajevo.

#### **Član 4.**

Ova odluka stupa na snagu danom donošenja.

## Obrazloženje

Kabinet predsjedavajućeg i zamjenika predsjedavajućeg Skupštine Kantona Sarajevo, donio je Plan integriteta broj: 01-02-44167-4/22 dana 06.12.2022. godine, u skladu s tada važećim Uputstvom za izradu i provođenje plana integriteta institucija javnog sektora u Kantonu Sarajevo broj 02-04-43099-19.1/22 od 20.10.2022. godine. Međutim, Vlada Kantona Sarajevo je na 50. sjednici održanoj 08.08.2024. godine donijela Zaključak kojim se usvaja novo Uputstvo za izradu i provođenje plana integriteta institucija javnog sektora u Kantonu Sarajevo, broj 02-04-38911-22.1/24, čime je prethodno Uputstvo prestalo da važi.

S obzirom na zakonsku obavezu institucija javnog sektora da, u skladu s članom 55. Zakona o prevenciji i suzbijanju korupcije u Kantonu Sarajevo, posjeduju i provode Plan integriteta, te imajući u vidu izmjene u metodologiji i sadržaju izrade Plana koje proizilaze iz novog Uputstva, šefica Kabineta donijela je Odluku o izradi novog Plana integriteta kojom je ujedno imenovala i Radnu grupu zaduženu za njegovu izradu. U skladu s odredbama člana 9. stav (1) Uputstva, Radna grupa je po okončanju izrade dostavila prijedlog Plana integriteta odgovornom licu institucije, odnosno šefici Kabineta, a postupak izrade i dostave realizovan je u skladu s propisanim rokovima i zahtjevima za transparentnost i usklađenost.

Uzimajući u obzir obaveze definirane Uputstvom i Zakonom, uključujući nadležnosti i odgovornosti menadžera integriteta, izvršilaca mjera, kao i nadležnog odgovornog lica institucije – šefica Kabineta, te shodno provedenoj procjeni usaglašenosti Plana integriteta s važećim zakonskim i podzakonskim aktima, šefica Kabineta donosi Odluku o usvajanju Plana integriteta Kabinet predsjedavajućeg i zamjenika predsjedavajućeg Skupštine Kantona Sarajevo.

**Pripremila:** Mediha Selimanović, Stručni savjetnik za pravne poslove

ŠEFICA KABINETA

Aida Arap

### Dostaviti:

1. Uredu za borbu protiv korupcije Kantona Sarajevo,
2. Svim uposlenim u Kabinetu predsjedavajućeg i zamjenika predsjedavajućeg Skupštine Kantona Sarajevo (7x),
3. Evidencija,
4. Arhiva.